

Ո Ր Ո Շ ՈՒ Մ

Վարչական իրավախախտման գործով զանգատն առանց բավարարման, իսկ որոշումն անփոփոխ թողնելու մասին

07.11.2018թ.

ք.Երևան

Ճանապարհային ոստիկանության պետ, ոստիկանության գնդապետ Ե. Կարապետյան,
վերանայելով քաղ. Վազգեն Փափազյանի դիմումի շուրջ ստեղծված նյութերը

Պ Ա Ր Զ Ե Ց Ի

08.10.2018թ. Երևան քաղաքի Դրոյի փող. 72. 12բն. բնակիչ Վ. Փափազյանը դիմումով հայտնել է, որ ճանապարհային ոստիկանության տեսուչը, առանց վարորդական իրավունքի վկայականի վարելու համար իր ավտոմոբիլը տեղափոխել է պահպանվող հատուկ տարածք, որտեղ սթափության վիճակի զննությամբ պարզվել է, որ իր արտաշնչած մեկ լիտր օդում ալկոհոլի պարունակությունը կազմում է 0.308 միլիգրամ: Վ. Փափազյանը նշել է, որ ինքը գտնվել է սթափ վիճակում, ինչի պատճառով խնդրել է կրկին իրականացնել սթափության վիճակի զննություն, սակայն ստացել է մերժում: Դիմումատուն հայտնել է, որ մոտեցել է Պռոշյան փողոցում գտնվող «Շտապբուժօգնություն» ՓԲԸ, որտեղ պարզվել է, որ իր արտաշնչած մեկ լիտր օդում ալկոհոլի պարունակությունը կազմում է 0.13 միլիգրամ: Դիմումատուն խնդրել է բեկանել կայացված որոշումը և նշել, որ ճանապարհային ոստիկանության սթափության վիճակի զննության սաքը չի աշխատում:

10.10.2018թ. ճանապարհային ոստիկանության ԳՊԾ 1-ին սպայական գումարտակի հրամանատար, ոստիկանության փոխգնդապետ Ա. Զակոբյանը զեկուցագրով հայտնել է, որ 07.10.2018թ. ժամը 00:27-ի սահմաններում քաղ. Վազգեն Փափազյանը նույնաբովանդակ ահազանգով զանգահարել է ՀՀ ոստիկանության Երևան քաղաքի վարչության ՕԿ կենտրոն:

Դիմումի ուսումնասիրությամբ պարզվել է, որ 06.10.2018թ., ժամը 22:30-ի սահմաններում, Երևան քաղաքի Ազատության պողոտայում քաղ. Վ. Փափազյանի կողմից վարած «Վազ» մակնիշի С 582 PH 123 հաշվառման համարանիշի ավտոմոբիլը, ստուգման նպատակով, կանգնեցվել է ճանապարհային ոստիկանության ԳՊԾ 1-ին սպայական գումարտակի 2-րդ սպայական դասակի տեսուչ Ա. Սարգսյանի կողմից: Ստուգումից պարզվել է, որ վարորդն իր մոտ չունի համապատասխան փաստաթղթեր, բացի այդ, տեսուչի մոտ կասկած է առաջացել, որ վարորդը գտնվում է ոչ սթափ վիճակում, ինչի պատճառով, թիվ 861738 ալկոմետր սարքի միջոցով իրականացվել է վարորդի սթափության վիճակի զննություն, ինչի արդյունքում պարզվել է, որ վարորդի արտաշնչած մեկ լիտր օդում ալկոհոլի պարունակությունը, ժամը 22:45-ին, կազմել է 0.309 միլիգրամ: Վարորդի նկատմամբ կազմվել է վարչական իրավախախտման վերաբերյալ արձանագրություն, որի հիման վրա 08.10.2018թ. ճանապարհային ոստիկանության վարչական գործունեության բաժանմունքի ՀԿՀ ավագ տեսուչ Ա. Ղազազյանը, Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասի համաձայն, կայացրել է ԱԴ թիվ 690864 որոշումը՝ 150.000 ՀՀ դրամ տուգանելու մասին:

ՀՀ էկոնոմիկայի նախարարության «Զափագիտության ազգային ինստիտուտ» ՓԲԸ-ի կողմից տրված ստուգաչափման մասին թիվ 0015642 վկայականի համաձայն «Jupiter» տեսակի 861438 գործարանային համարի ալկոտեստեր սարքը ստուգաչափվել է 08.06.2018 թվականին, որը ուժի մեջ է մինչև 08.06.2019 թվականը:

Քաղ. Վազգեն Փափազյանի կողմից տրամադրված սթափության վիճակի զննության արձանագրության ուսումնասիրությամբ պարզվել է, որ վերջինիս սթափության վիճակը, նույն օրը ժամը 23:55-ին, զննվել է «Շտապբուժօգնություն» ՓԲԸ-ում և տրվել թիվ 101178

Նշված հանգամանքի պարզաբանման նպատակով՝ գրություն է ուղարկվել «Շտապբուժօգնություն» ՓԲԸ, որտեղից ստացված պատասխան գրության համաձայն՝ ալկոհոլ օգտագործելուց հետո դրա մաքսիմալ կոնցենտրացիան օրգանիզմ հասնում է 1-2 ժամ հետո, տարածվում է ողջ օրգանիզմով, այնուհետև, երկու ժամվա ընթացքում, սկսվում է ալկոհոլի տրոհումը և օրգանիզմից հեռացումը (1 ժամում 0.13մգ/լ-0.16մգ/լ): Հետևաբար, եթե ալկոմետր սարքի միջոցով սթափության վիճակի զննությամբ մեկ լիտր արտաշնչած օդի մեջ ալկոհոլի պարունակությունը լինի 0.309 մգ/լ, ապա 1 ժամ 10 րոպե հետո այն կարող է կազմել 0.13մգ/լ:

Այսպիսով, կատարված ուսումնասիրությամբ պարզվել է, որ Վ.Փափազյանի արարքում առկա է Վարչական իրավախախտումների վերաբերյալ ՀՀ օրենսգրքի 126 հոդվածի 1-ին մասով նախատեսված դեպքը, ուստի, ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Վազգեն Փափազյանի դիմումը թողնել **առանց բավարարման**, իսկ ճանապարհային ոստիկանության ՃՊԾ 1-ին սպայական գումարտակի 2-րդ սպայական դասակի տեսուչ Ա.Սարգսյանի 06.10.2018թ. կազմած վարչական իրավախախտման արձանագրության հիման վրա ճանապարհային ոստիկանության ՎԳ բաժանմունքի ՀԿՀ ավագ տեսուչ Ա.Ղազազյանի կողմից 08.10.2018թ. կայացրած ԱԴ թիվ 690864 որոշումը՝ Վազգեն Փափազյանին հարյուր հիսուն հազար դրամ տուգանելու մասին՝ **անփոփոխ**:

2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:

3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:


Ե. Կարապետյան